



## **Universitätsbibliothek Paderborn**

**Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

11. Quo modo Amphiliochius Imperatoris filium salutârit?

**urn:nbn:de:hbz:466:1-45653**

IES V ei apparente res probabilior est, quam quod S. Hieronymo apparuerit; non solum quia epistola illa D. Augustini ad Cyrilum fictitia est; sed quia etiam vetustissima, in Ecclesia, pictura est D. Augustini, cum puer ad littus & pedes illius sedente, atque cochlear tenente, quo mare in effosiam scrobem colligit: quidquid non nulli etiam hanc imaginem sublæstæ fidei esse arbitrentur. Quod si ergo historiam esse ponamus, voluit & hunc Doctorem Puer IESVS docere, & voluit utique sanctus hoc Doctor libenter ab hoc Puer doceri, tanquam à Sapientia Patris, magistrisque veritatis; qui per veros aut ætate, aut sapientia mundana pueros, complures alios, in humanis oculis grandes instruxit, ut Mundi sapientiam confunderet; doceretque, nullum pusillum, nullum quantumvis simplicem esse contemnendum. Sic exaltatur à Deo humilitas, sic sublimitas humiliatur.

In tom. 2.  
D. Augusti-  
ni Appendi-  
ce epist. 17.  
Io. Molan.  
de hist. SS.  
Imaginū lib.  
3. cap. 36.

Nicephorus, Sozomenus aliisque complures testantur, fuisse Iconij senem quandam Episcopum Amphilochium dictum, antiquæ simplicitatis hominem, qui Theodosium Magnum Imperatorem ausus est adire, eique libellum supplicem dare, quo Theodosius monebatur, ut impios Arianorum conuentus, ex verbib⁹ proscriveret. Neque enim minus nocere infectione haereticos censebat, quam pestilentia correptos, qui luem, etiam in maximè cautos, propagant. Imperatori durior ea inhumaniora que petitio videbatur, ut qui clementia atq; benevolentia capiendos Arianos putaret, imprudentemque Episcopi zelum in alia tempora quietiora differendum arbitraretur. Quid ibi fecit sapientissima Amphilochij simplicitas? quibus machinis porrò quatere Imperatoris animum institit? Est tempus, cum silendo plus effimus, quam loquendo. Igitur quam sincerā ingenuitate petitionem suam explicauit, tam prudenti patientia repulsam passus tacuit. Existimauerat Imperator homini aquam hæsisse, nec iam argumenta solum, verum etiam verba deesse. Erras, erras, ô Imperator, non est stultitiae signum, posse tacere. Garfulorum sermo, vti vilis, ita & excors est. Solus ille verè sapit, qui habet linguam in potestate. *Qui moderatur sermones suos, prou. 17.27 doctus & prudens est: & preciosi spiritus vir eruditus. Hinc, stultus quoq; si tacuerit, sapiens reputabitur: & si compresserit labia sua, intelligens.*

X.  
Nicephor.  
Callist. l. 11.  
hist. Eccles.  
c. 9. Sozom.  
lib. 7. c. 6.  
Theodor. l. 5  
c. 16. Trip.  
c. 35.

Amphilochius igitur, tanquam elinguatus, abiit; sed si- lens XI.

lens consilium coxit, toti Ecclesiæ profuturum. Paulo enim post facinus dignum memoria fecit; & vtiq; alijs quoq; imitandum, si mortales tam facile pro Christi gloria, quām pro Principum oblectatiunculis, stulti sustinerent reputari. Quippe occasionem captauit, vt cum alijs Præsulibus in aulam venientibus, & ipse veniret. Ibi, vti mos, & par erat, cum alijs Episcopis Imperatorem quām decentissimè consalutauit. Recta inde ad filium ipsius, qui admodum nuper ad Imperium lectus fuerat, digressus, eum im, politè atq; inurbanè gestique subrustico tractare cœpit. Neque enim eadem illi, quæ patri eius, obseruantæ honorisque signa exhibuit; sed, tanquam si de vulgo, aut coloni terræ filius esset, ita cum eo, quasi cum puer colloquens, manuq; eum, contra omnes leges aulicas, demulceñs: *Salve & tu, ô puer, inquietabat.* Hæc cum videret Theodosius, senem Amphilochium ætate desipere existimabat, & vtiq; rudiore animo, rusticum, nō aulicum, in aula, agere cogitabat. Itaque simplicitatem hominis instruendam censuit, docuitque, quibus cærimonij filius esset salutandus. Iterum erras, ô Imperator, non tu illum, ille te, docebit: tui, non illius mores sunt culpandi.

## XII.

Audijt igitur Amphilochius Imperatorem, instructio- nēmque illius, leui risu, refutans quasi per contumaciam, respon- dit: sufficere filio eius iam exhibitum à se honorem. Hoc dicto Theodosius ira percitus, & non secus, ac si filius atrocí iniuria affectus esset, grauiter commotus, Episcopum delirantem, cum conuicio, abduci iussit. Cithara vt sonet, percutienda est: idem huic Episcopo accidit. Tangebatur iam & satellitum manu igno- miniosè foras protrudebatur, cum renidente ac sereno ore cōuer- sus, consiliūmq; in animo occultatum sonantisima voce, pferens: *Videsne ô Imperator, inquietabat, quām tu indignè illam filio tuo iniuriam feras? Vides, quām vehementer & incensè, ob compellationem mīnīs urbanam decentemq;, in me, exardescas? Sic scilicet existimare te oportuit, succensere etiam cælestem Imperatorem & Patrem Vni- geniti, propter eos, qui non communem illi tribuunt honorem, sed diffini- lem & longè minorem Patre vocare audent.*

## XIII.

Hic vidisses, quid diuina possint. Etenim Imperator, cum inde rem aetam intelligeret, & verba illa confidentissimè aptissimèque prolata admiraretur, velut fulmine ictus, ita quām primū sacerdotem Dei ad se accersuit, atque ad pedes eius ce- cedit.